

友陶畊者軒詩集

下局

懷王桐階

司空真箇老王官。雲樹蕭蕭邱壑寒。夢訂三生思訪戴。侯輕萬戶待瞻韓。
文章奇橫闕胎息。詩興高騫刷羽翰。未識幾時樽酒會。笑隨元白步騷壇。
愛不去口沈菊邨。每向沙彌稱世尊。拈花已證菩提果。扶衰獨立風騷門。
薑桂性生老愈辣。李杜才多晚尚存。膜拜皈依詩中佛。笑指天涯月一痕。

寄菊邨

日日欲相見。見數更怡怡。內問果何以。此心若不知道。誼重金玉歡情溢。
酒卮各須好自愛。無負平生期。

看雪

太空浩浩何所有。北風陡催陰雲走。須臾暝色混瀾漫。片片雪花大如手。
勢欲擎雲亂飛。雪花翻被雲掣肘。雲雪交加互難分。惹怒封姨逞獅吼。
攪成玉戲舞翩翩。天公精神一抖擻。誰撲粉蝶千萬斛。揉碎蝶翅斷糾紐。
臨風極力肆簸揚。填滿星宿培岣嶺。玉屑掀翻太離奇。仰觀大快中山叟。
舉酒招呼滕六來。何須歸謀東坡婦。雪挾迴風力轉旋。會心不遠欲脫口。
公主擔夫爭道行。藉悟書法傳悠久。余亦就中取師資。飛白形模得八九。
不倩人間墨點污。一抹江山滌塵垢。

感鵲巢

乙巳冬初某富人
起第感而賦此

儂家居負郭。閉門等邱壑。庭階風掃除。明月司管鑰。天外許昂頭。塵中厭

插脚元亮友無多。二三閨閨洛友來酒共詩。友去情自若。門前樹幾株。陰翳殊不惡。一朝聽鳴聲。倏有巢林鵲。結構待拮据。枝栖得依託。約之既閣閣。啄之復索索。戶牖幾綢繆。風雨畏搖落。辛苦歷萬千。彷彿涂丹望。招邀眾鳥來。燕賀歡聲作。飛花蹴舞筵。零落當杯杓。文禽助光儀。門第炫華萼。維鵲喜不禁。疆疆恣行樂。祇知羽翼成。那識憑藉錯。廣廈有傾時。奸雄終落魄。大好安樂窩。反被鵲居却。繞樹三匝飛。悲鳴音格格。余呼鵲來前。是非悟今昨。巧者拙之奴。絢極歸落莫。好自惜羽毛。旁覘有鵲鶚。

寒夜偶成

蕭齋天色晚。送客步階墀。

時蘭兄王厚軒來館

月冷墻陰淡。秋殘柝韻知。別離征戍

恨遲暮美人思。輸我閒中趣。焚香默坐時。早歲習靜坐

入夜北風歇。鱣堂氣倍清。空階一葉響。老屋孤燈明。天濶銀河轉。松欹石

碣撐。院中老松欹。夜石碑在其下。詩人久不至。夢想幾回縈。時菊邨歸東山

對盆菊

坐對一盆菊。相逢道故舊。菊花笑我迂。我笑菊花瘦。同病本相憐。此秘誰
參透。8問詢到東籬。田園無徑竇。8

懷友人

葉落林影散。酒闌壯志低。起向小亭立。涼月下城西。
曉起下階除。夢影尋不見。步上城上頭。炊煙莽一片。8

初冬月夜

一院無風氣肅然。月明如水早冬天。雁歸翻落寒歸後。時天氣寒甚忽聞雁聲嘹唳南去

人影來居樓影巔。散步奎星朱衣二樓之間身世蒼涼懷紫禁。年華老大擁青氈。平生

微志差堪說。願學文臣不愛錢。岳鄂王曾有此語竊云服膺久之

菊邨夜間來訪

一回相見一生情。詩債能將傲骨纏。來晏不諱連夜訪。情親轉勝伴花眠。愛才同有相如渴。佞佛還多賣島緣慚愧書生文弱甚。何年勛業勒燕然。

考先生

三家村裡久冬烘。烘老頭顱皆裂紅。若大蠹魚畏焦灼。被人提取上熏籠。

隨筆

偷將詩味告燈知。喜見燈花笑解頤。坐久句從窗外得。西風颯颯月遲遲。
不買山原不買官。雪花堆裡一袁安。生成骨性最宜冷。笑對紅樓獨倚欄。
林間鳥醒占人先。每向窗前喚起旃。今日課餘任疏嬾。特教清夢兩回圓。
回首蹉跎四十霜。布衣身世託青箱。案頭不著塵間物。寶劍稜稜夜有光。
一雙猶子頻聽講。三五良朋每和吟。棣鄂有華蘭有臭。者般清課稱閒心。
富有牙籤半著箕。貴如天爵澹金貂。偷閒慣惹黃花笑。一向東籬一折腰。
銅爐設座未焚香。空際傳心味更長。夜靜不聞更漏響。半圭涼月照東廂。

菊影

黃衣不語笑田園。花有清香砌有痕。簾外西風扶醉態。圃邊返景戀詩魂。
韓公杯酒芳型寫。徵士衣冠小照存。生恐秋容隨月淡。故燒高燭短籬根。
摹取秋情幻想因。霜天寫照証前身。寄人籬下依然傲。壽相箇中靜者仁。
形迹不拘留本色。文章能澹自傳真。篆成五柳先生傳。字字虛空字字新。

偶然作

委心與天遊。頗得天然趣。花妍復葉零。日月等閒度。西風一夜吹。雁聲紛
無數。曉來江上看。蒼山杳何處。

晚步即景

鳥宿余不知。余步鳥自眠。何事誤驚起。啾啾寒樹巔。

朝卧即景

天寒雀起遲。穴中動復止。

時小雀多次於屋檐每在巢中作動轉聲須臾復止

微聞啾唧聲。

似人怯寒懶起

改作呻吟之聲曙色明窓紙。

夜雪

冬月十一夜過半恰應十二大雪節氣

無風靜一院。寒衾殊戀戀。不知雪迷漫。但覺窓戶暗。

時睡覺數次見曉起屋中非常之暗

揭簾看階墀。白一片。老松亦著裘。蒙茸披銀線。乘興下階行。得詩不敲鍊。

咀嚼字句香。笑和清氣嚙。此味祇自知。外人杳聞見。

寄燮臣詩友

皋比坐罷散書堂。待我閒時君事忙。月月月圓同悵望。年年年近各倉皇。

聯吟句冷香山社⁸避債人師周赧王⁸盼得明春公務簡⁸東風催促到門牆⁸

尋履

一鳬飛去一鳬留⁸李戴張冠趣不猶⁸鞋破豈真無處覓⁸
前所遺之鞋破屢亡誰

向上宮⁸摻脚蹤想亦同符合爪印何妨踏雪求⁸為倩小奚蓮社訊⁸闌珊多

是沈方舟⁸
時大雪新霽倩僕往覓菊邨將鞋換回

趣人趣事趣詩讀之令人解頤菊邨讀

感懷

英雄有淚不輕彈⁸事後徒傷先見難⁸楚子甘容無極險⁸巫臣巧結夏姬歡⁸
色莊從古多林甫⁸口苦何人器比干⁸道誼知心能得幾⁸廢書搔首獨盤桓⁸

險阻艱難備嘗之矣。民之情偽盡知之矣。結句一往情深，餘緒不絕。子星氏僭讀。

歸家閑詠

課餘分外覺身閒。數月光陰彈指間。收拾書囊歸去也。衡門雖設學常關。
年矢催儂返舊廬。鱣堂風月付銅魚。家居檢得閒工課。坐對金華讀道書。
燕居蟠伏學潛龍。投刺迎門故友逢。回首廿年同筆硯。促談絮絮更重重。
時硯友劉新三來訪

夢裡尋詩夢乍回。低吟枕上費敲推。滿窓紅日尚高卧。愛惹山妻故故催。
玻璃窓戶日華暄。石子堆儲瑪瑙盆。新植水仙花數蕊。宜晴宜暖友陶軒。

燈前閒課女豚兒。聊慰桑榆遲暮思。說夢荆人偏絮聒。小瞋愛惹老書癡。

時女覆講而內子從旁說夢余微嗔之

女奴炊熟飭青精。短几移來七箸橫。一日兩餐無箇事。莫教此腹負先生。息影蘧廬靜萬緣。光陰彈指晚冬天。凍糖忽聽街頭賣。又是家家過小年。

雅俗吟

我心如止水。無物自湛然。文章花落去。風景月來先。雅有名士契。最厭俗人纏。斗室閒無事。清閒小神仙。屢盼詩人至。離索每不前。一朝聞足音。喜見李青蓮。話長日覺短。情親坐久延。三秋如一日。心事都繚繚。此誼重金玉。難與俗人銓。俗人不自知。每餽以俗緣。好貨覓東道。蠅營等逐羶。絮語

聽無盡。膠坐魔難遷。福星奈憎命。銅臭空垂涎。斯人面目非。可憎亦可憐。那知金為穴。須種德作田。喝破俗魔障。雅趣即當前。

守歲

乾坤不老形。鞏固壺中長春神仙數。丹砂能駐少年顏。惟有歲月留不住。我今守歲意拳拳。不放光陰暗裏渡。年華老大面目非。金玉持躬守如故。願外終殊君子徒。富貴貧賤夷狄患難各須行乎素。

即景

天晚鳥應巢。交巢之側。此意說與誰。時有尋幽者。曳屐階上行。物我兩無著。老松若多情。蒼然帶暝色。

感懷

豎儒少聞問。兒增心上寒。擔當塵俗事。竟比煅詩難。

枕上口占

街柝聲聲枕上聽。春宵苦短獨為醒。時艱誰擊中流楫。交泛多如逐浪萍。
真面廬山今始見。照人秋水事金經。世情冷暖都參透。坐對圖書門自扃。
菊邨由東山勸辦學堂回長州拈此贈之

酒部新充勸學媒。布衣真個畚涓埃。人言可畏驚山鬼。詩句多收信霸才。
時有謂就中采取山場者。來時携近作十數什。彈指光陰成怒矢。冰心往事付寒灰。金臺築起傳
佳話。治蔚文明仗郭隗。

晚景

暮色一院深⁸。偶來松樹底⁸。無心翹首觀⁸。宿鳥誤驚起⁸。

晨起即成

三椽大好舊鱸堂。坐有青氍卧有床。省事課閒原厚福。安心補氣即仙方⁸。
挹添朝爽涵詩味。愛下重簾養藥香。呼馬呼牛從俗便。笑渠口角太雌黃。

泮池布穀

儒冠多半誤儒生。不羨科名羨耦耕。忽聽泮林樹深處。時添布穀兩三聲。

講堂夜課

鱸堂高敞四燈明。夜課披吟倍有情。一道雉牆遮不得。隨風飛墮讀書聲。

負郭人家已睡鄉。春宵桃李座生香。道人已醒仙凡夢。懶向邯鄲枕上忙。
答友人孫相宸

好友煩言勸出山。無心雲意總閑閑。買官不碍為霖雨。抱道終慙樂孔顏。
斗米折腰遲解事。樗林得志誤投艱。蘧廬息影聊藏拙。覩破紛紛名利關。

又

本非高隱卧隆中。蚤夜思存幾撫衷。事急何須昭烈顯。才卑敢効武鄉忠。
壺盧依樣初心負。傀儡登場大力通。捧日擎天輸後輩。菁莪多士蔚皇風。

課餘散步

此星期放閒歸家途中口占

煖衣乍脫一身輕。如此風光不出城。步上雉牆閒眺望。依依柳色若為情。

晨起

侵晨鳥聲喜。曉起推窗覩。不知微雨過。但見庭階濕。

午睡

小雨新弄晴。午牕忽放明。佳趣道不得。片夢與之清。

仁壽吟

傳云仁者壽。語質意湛然。俗人靡知識。修短聽諸天。明明自造作。謂天持其權。漢武重方士。秦皇求神仙。丹藥猶在鼎。遺隴空墟煙。不知葆元善。妄希松喬年。君子行素位。榮利無絆牽。良貴輕人爵。束脩汰擘錢。一室秘金玉。四壁羅山川。涵養真性理。無忘無助焉。隨在含生意。道味殊緜緜。懷抱